

四庫全書

集部

欽定四庫全書

詞律卷二十

宜興萬樹撰

賀新郎

一百十六字 郎一作涼 又名乳燕飛 金縷曲 貂裘換酒

毛 升

風雨連朝夕韻最驚心豆春光晚晚句又過寒食叶落盡一番新可平

桃李芳草南園似積叶但燕子歸來幽寂叶況是單樓饒惆可平

悵儘無聊豆有夢寒猶力叶春意遠恨虛擲叶東君自是人

間客暫時來豆匆匆却去為誰留得走馬插花當年事句池

晚空餘舊跡叶奈老去流光堪惜叶香隔天涯人千里念無  
可平憑寄語長相憶回首處暮雲碧叶

又一體 一百十六字

高觀國

月冷霜袍擁見一枝年華又晚粉愁香凍雲隔溪橋人  
不度的懽春心未縱清影怕寒波搖動更沒纖毫塵俗  
態倚高情叶預得春風寵沈凍蝶挂么鳳叶一盃正要吳  
姬捧想見那柔酥弄白暗香偷送回首羅浮今在否寂  
寞烟迷翠壠又爭奈桓伊三弄開遍西湖春意爛算羣

花正作江山夢吟思怯暮雲重

此與前調俱同但前調兩段中七字四句末三字如  
新桃李饒惆悵當年事人千里俱用平平仄是拗句  
也此篇用平仄仄竟與七言詩句相同查此四字或  
順或拗隨意不拘各家于一篇中參差不一不能悉  
錄今止列前毛詞係全拗者此高詞係全順者以為  
式作者隨筆填之可耳 前後第二句年華又晚柔  
酥弄白可用仄仄平平如竹山前用千樹高低文溪  
後用黃菊猶葩芸窗前用放浪江湖後用尊酒論詩  
皆不拘然十中之一耳又如善扛于人字用半字文  
溪于塵字用也字東坡于今字用細字石屏于春意  
之春字用與字是七字句之末用仄平仄皆係偶然  
不可從也又如丈溪于想見那下十一字云便三台  
兩地也只等閒如拾又云訝銀杯羽化折取戲浮醺  
醉夢窗于雲隔下十三字云紅日闌干鴛鴦枕畔枉

裙腰褪了皆不必學梅溪前第二句云是天地中間  
受酒能詩之社後第二句云為狂吟醉舞毋失晉人  
風雅雖另一體然他無同者亦不必學若蘆溪于態  
字爛字叶韻或效之亦可然此體亦無同者至李南  
金于前第二句云我亦三生杜牧為秋娘著句是誤  
筆不可謂有此體他如芸窗後起句不叶韻夢窗雲  
隔句用千尺晴虹映碧漪烘堂後第二句用更撩人  
情興異香芸馥少却二字以上皆係訛錯勿誤認也  
至若坡公乳燕飛一詞妙絕古今而失體處亦有但  
傳誤已久人不細解耳如人不度作白團扇今在否  
作細看取白細二字原有用仄者前已指明況白字  
原可作平無害酥字作蕊上可代平亦無害寂寞句  
用芳心千重似束心字一本作意字即係心字亦不  
甚害至開遍二句作若待得君來向此花前對酒不  
忍觸花前上少了一字或公偶失填或原有一字而  
傳刻遺落不復可知若不忍二字則可借作平亦無

害于歌喉但後人不宜學耳嘯餘譜雖作一百十五字然于此二句亦作兩七字至圖譜則并不知此義竟以若待得君來作五字句向此花前作四字句對酒不忍觸作五字句則大謬可怪而以此誤人使坡公亦貽譏千古豈不可嘆哉至于兩結三字用仄平反是此調定格歷觀各家可見其間或有一二用平仄反者乃是敗筆如坡公前尾之風敲竹是也譜不以此為失反于後尾之兩簌簌註兩字為可平則誤甚矣第一箇簌字原是入聲作平譜謂可平亦誤夫謂之可平者本身是仄也今以簌字本身是仄則將使人于此句用仄仄仄或平仄仄矣豈不失調哉嘯餘因坡詞兩句七字故收李玉詞上七下八者為第二體註云前段與第一體同惟後段第九句作八字是也而又收劉克莊詞為第三體尾句本云聊一笑弔千古乃落去聊字作五字句收為第三體可笑甚矣更奇者圖譜收劉詞為第二既知添入聊字而于

題下仍舊譜之註云第九句作八字末句作六字夫此調末句誰非六字乎但因添聊字故改註五字為六而忘其前後皆六字耳既于劉詞添聊字則體已盡無所用第三體矣乃又仍收李玉詞倒作第三奈李玉與劉字字皆同無可註其相異處遂註曰惟後第四句分作四三蓋李云月滿西樓憑欄久端端正正七字而忽然分作兩句讀遂謂上句四字下句三字與劉體有異于此而奇絕矣本調因坡詞乳燕飛華屋又名乳燕飛圖譜既收賀新郎又收乳燕飛選聲亦復兩列且以前後第二句皆分作兩句而所收竹齋詞清影句云但莫賦綠波南浦本七字誤以賦字為叶韻惜哉圖譜于二體外又收金縷曲更奇

子夜歌

一百十七字

彭元遜

視春衫

豆

篋中半

句

在浥浥酒痕

花露恨

豆

桃李隨風吹盡夢

句

裏故人如霧臨穎美人秦川公子却共何人語對誰家

花柳池臺回首故園咫尺未成歸去 昨宵聽危絃急

管酒醒不知何處漂泊情多衰遲感易無限堪憐許似

尊前眼底紅顏消幾寒暑年少風流未諳春事追與東

風賦待他年君老巴山共君聽雨

彭係元人此調宋詞無之作者須遵此平仄圖以首  
句作五字次句作八字誤又以半在浥浥疊四仄字  
遂改浥浥二字為可平更誤似尊前二句作上七下  
四亦誤事字註叶甚奇此句毋論不用叶事字亦並  
非同韻 共君聽雨恐  
是共聽夜雨聽字平聲



金明池 一百二十字

秦觀

瓊苑金池句青門紫陌句似雪楊花滿路句雲日淡天低句畫永句

過三點豆雨豆細雨豆好花枝半出牆頭句似悵望芳草王孫豆

何處更水遠人家橋當門巷燕燕鶯鶯飛舞豆怎得東豆

君長為主把綠鬢朱顏句一時留住佳人唱金衣莫惜才句

子倒玉山休訴豆況春來倍覺傷心句念故國情多句新年愁豆

苦縱寶馬嘶風紅塵拂面也句只尋芳歸去豆

余謂詞中有以上聲作平聲用者人多不信如此詞兩點二字鑿然以上作平也雲日淡以下與佳人唱

以下同過三點句即後才子倒句比對自明仲殊天  
潤雲高一首前段云朱門掩鶯聲猶嫩後段云厭厭  
意終差人問鶯聲二字即兩點二字應用平也人不  
知此義見此句連用五箇仄聲便以為難而自以為  
知者又亂將去聲字填入則拗而不叶律矣歐公亦  
用三點兩點雨霽註見越溪春為主為字讀作去聲  
言為人作主也若作平則拗觀仲殊用鬪字可見似  
悵望九字與念故國九字一氣分豆不拘按詞滙  
失收夏雲峯本調而以仲殊金明池詞題曰夏  
雲峯大謬若不校正不幾令學者名實相乖乎

# 送征衣

一百二十一字

柳永

過昭陽<sup>韻</sup>璿樞電繞<sup>句</sup>華渚虹流<sup>句</sup>運應千載會昌<sup>叶</sup>罄寰宇薦<sup>豆</sup>

殊祥<sup>叶</sup>吾皇<sup>叶</sup>誕彌<sup>叶</sup>月瑤圖<sup>叶</sup>續慶玉葉騰芳<sup>叶</sup>並景貺三靈眷

祐挺英哲掩前王遇年年嘉節清和頌率土稱觴無

間要荒華夏盡萬里走梯航彤庭舜張太樂禹會羣方

鵷行趨上國山呼鰲抃遙爇爐香竟就日瞻雲獻壽指

南山等無疆願巍巍寶歷鴻基齊天地遙長

吾皇下與後鵷行下同按此調六字句凡四用皆  
中三字一豆者如慶窠字字字挺英哲哲字盡萬里  
里字皆用仄聲則指南山山字  
亦應用仄恐是岳字之誤也

笛家 一百二十一字

柳永

花發西園草薰南陌韶光明媚乍晴輕暖清明後水嬉

舟動襖飲筵開銀塘似染金堤如繡是處王孫幾多遊  
妓往往携纖手遣離人對嘉景觸目盡成感舊別久  
帝城當日蘭堂夜燭百萬呼盧画閣春風十千沽酒未  
省宴處能忘絃管醉裏不尋花柳豈知秦樓玉簫聲斷  
前事難重偶空遺恨望仙鄉一餉泪沾襟袖

按此調他無可考惟屯田此一篇耳舊刻以別久二字屬在前段之末余力斷之曰凡兩字句多用于換頭之首或用于一段之中未有前半已完而贅加兩字者况上說離人對景而感舊矣又加別久二字真為蛇足若作感舊別久語氣不成文四字疊仄音韻亦不和協且舊字明明用韻顯而易見前尾觸目句

六字後尾一餉句亦六字端端正正兩結相同而人竟不察沿習訛謬可歎也然于舊字用韻而加兩字于下猶為不妨乃將感舊別久四字合成一串選聲連上作八字句時人因有作轉嘆離索者豈不截霍添鳧哉且因此句讀錯并將上觸目盡成四字岸然作一句而為無奈閒愁矣異哉又按凡長調詞起結前後互異而中幅每每相同此詞恐有顛倒今以臆見附此蓋別久帝城當日是換頭起語其下當移入未省至花柳十四字而以蘭堂四句對前水塘四句豈知八字對前是處八字前事難重偶對前往往携纖手空遺恨以下兩三字一六字對前遣離人以下三句句法字法相同豈不恰當蓋謂因別久而追思當日在帝城之時宴處即聽絃管醉裏必尋花柳從未有忘此二事者故上加未省二字未省者不解如此也下即以蘭堂四句實註彼時歡會之勝而下以豈知二字接之言不料如今若此寂寥也如此則

意順詞協矣嗟嗟安得起屯田于遮須國芙蓉城而証其說乎總之舊集中惟樂章最多差訛脫落難于稽覈然後人亦宜將舊詞詳審安確而後填之寧得蹀率而自謂作家耶如此詞論改易前後處人或以古調傳久不便議改若別久二字則斷斷不可繫之于前尾舊字斷斷不可不叶韻任人間詈我狂妄哂我穿鑿而余必理理守是鄙說矣

白苧

一百二十一字

蔣捷

正春晴又春冷句雲低欲落瑤苞未剖句早是東風作惡旋叶

安排豆一雙銀蒜鎮羅幕幽壑叶水生漪皺嫩綠潛鱗初躍叶

惜惜門巷桃樹紅纔約畧叶知甚時霽華烘破青青萼叶

憶叶昨引蝶花邊近來重見身學垂楊瘦削叶問小翠眉山叶

為誰攢却斜陽院宇任朱絲眉偏玉箏絃索戶外唯聞叶

故剪刀聲深在粧閣料想裁縫白苧春衫薄叶

首句本集是正春晴而他刻多作春正晴觀柳詞則  
正春晴平仄為是而首用正字次用又字恰相喚應  
故知他刻之誤也

又一體 一百二十五字

柳永

繡簾垂画堂悄寒風漸瀝遙天萬里黯淡同雲暮歷漸叶

紛紛叶六花零亂散空碧姑射宴瑤池把碎玉零珠拋擲叶

林巒望中<sup>句</sup>高下瓊瑤一色<sup>叶</sup>嚴子陵釣臺歸路迷踪跡<sup>叶</sup>

追惜<sup>叶</sup>燕然画角<sup>句</sup>寶簫<sup>句</sup>珊瑚<sup>句</sup>是時丞相<sup>句</sup>虛作銀城換得<sup>叶</sup>當

此際偏宜訪袁安宅<sup>叶</sup>醺醺醉了<sup>句</sup>任金釵舞困<sup>句</sup>玉壺傾側<sup>叶</sup>

又是東君<sup>句</sup>暗遣花神<sup>句</sup>先報南國<sup>叶</sup>昨夜江梅<sup>句</sup>漏泄春消息<sup>叶</sup>

蔣柳二詞相同只換頭二字句下柳比蔣多燕然画角四字故另作一體惜惜門巷巷字柳作中字平聲稍異然此字用平拗恐是裏字按蔣用欲落作惡約畧俱兩箇入聲字相連初謂偶然乃柳詞亦用浙澁畧雇一色六入聲因思此調或宜如此用字不然何其相符也然此論大徵未知得免于穿鑿之誚否諸誤不一備摘于此画堂情即蔣之又春冷也乃以三字盡改平仄平蓋其意欲連下作七言詩也画



堂正與上繡簾相對有何不解遙天萬里即蔣之瑀  
苞未剖也萬里未剖去上最妙乃以遙作仄萬作平  
漸紛紛即蔣之旋安排也三字盡改平仄仄林巒望  
中即蔣之惜惜門巷也此句惟中字不合乃以平平  
仄仄翻改作仄仄平平而中字偏不註可仄嚴子陵  
下十字宜于三字為豆下作七字句乃分兩五字嚴  
子陵釣臺即蔣之知甚時露華也乃作仄仄仄平  
當此際九字宜上五下四乃分上三下六偏宜即蔣  
之蒼山也乃作仄仄金釵正對下玉壺以任字領下  
二句頂上言醉後光景蔣亦以任字頂下朱絲玉筍  
也乃金字託作他字而以任字作平釵字作仄因玉  
二字作平傾字作仄蓋意欲將任他二字領句而下  
作七言詩句也并其餘平仄改註者共五十二字尤  
不便者散報二字即蔣之鎮在二字必用去聲今亦  
作平射字音亦正叶韻二字句蔣亦用幽壑今只作  
五字句失註叶韻如此註法何不別名此調為黃麻

綠葛而仍

曰白苧乎

秋思耗

一百二十三字  
又名画屏秋色

吳文英

堆枕香鬟側

韻

驟夜聲偏

豆

稱画屏秋色

叶

風碎串珠

句

潤侵歌

板愁壓睂窄

作單

叶

動羅簾清商

豆

寸心低訴

叶

敘怨抑映

叶

夢牕零

豆

亂碧待漲綠

叶

春深落花

句

香汎料有斷紅

句

流處暗題

叶

相憶

叶

歡夕簷花細

叶

滴送故人

豆

粉黛重飾

叶

漏侵瑤瑟

句

丁東敲

斷弄晴月白

作單

叶

怕一曲霓裳未終

豆

催去驂鳳翼

叶

嘆謝客猶

作單

豆

未識謾瘦却東陽

句

燈前無夢到得

句

路隔重雲雁北

叶

或云自潤侵至春深與後丁東至東陽相同動羅簾  
以下十二字于商字分豆怕一曲以下十二字于終  
字分豆然總之十二字一氣平仄不差分豆語句不  
拘也或謂客字亦是叶韻燈前無夢四字句與前落  
花香汎同到得二字句叶韻路隔亦二字句叶韻重  
雲雁北四字句叶韻俱用去入二聲正此調促拍淒  
緊之處此說甚新然不敢從姑採其說于此

春風嫵娜

一百二十五字

馮艾子

被梁間雙燕句話盡春愁韻朝粉謝句午花柔倚紅欄豆故與蜨

圍蜂句遶柳綿無數飛上搔頭十鳳管聲圓句蠶房香煖句笑挽

羅衫須少留十隔院蘭馨越風遠句鄰牆桃影伴烟收十些

子風情未減<sup>句</sup>眉頭眼尾<sup>句</sup>萬千事<sup>五</sup>欲說還休<sup>句</sup>薔薇露牡丹  
毬<sup>十</sup>慙<sup>句</sup>熟記省前度<sup>句</sup>綢繆<sup>十</sup>夢裏飛紅<sup>句</sup>覺來無覓<sup>句</sup>望中新綠<sup>句</sup>  
別後空稠<sup>十</sup>相思難偶<sup>句</sup>嘆無情明月<sup>句</sup>今年已是<sup>句</sup>三度如鉤<sup>十</sup>  
雲月自度曲當  
悉依其平仄

翠羽吟

一百二十五字

蔣捷

紺露濃映素空<sup>十</sup>樓觀峭玲瓏<sup>十</sup>粉凍霽英<sup>句</sup>冷光搖蕩古青  
松半規黃昏淡月<sup>句</sup>梅氣山影溟濛<sup>十</sup>有麗人<sup>五</sup>步依修竹<sup>句</sup>瀟  
然態若游龍<sup>十</sup>綃袂微皺水溶溶<sup>十</sup>仙莖清瀝淨洗斜紅<sup>十</sup>

勸我浮香桂酒環佩暗解聲飛芳靄中弄春弱柳垂絲

慢按翠舞嬌童醉不知何處驚剪剪淒緊霜風夢醉尋

痕訪蹤但留殘挂穹梅花未老翠羽雙吟一片曉峯

此詞只此一詞難以考定恐有訛字但  
留殘句必有脫落意謂殘月挂蒼穹也

十二時

一百三十字

柳永

晚晴初淡烟籠月風透蟾光如洗覺翠帳涼生秋思漸

入微寒天氣敗葉敲牕西風滿院睡不成還起更漏咽

滴破憂心萬感並生都在離人愁耳天怎知當時一

句做得十分縈繫夜永有時分明枕上覷着孜孜地燭

暗時酒醒元來又是夢裏睡覺來披衣獨坐萬種無

膠情意怎得伊來重諧雲雨再整餘香被祝告天發願

從今永無拋棄

此係三疊後兩段相同各諧于天怎知作三字睡覺  
來又作七字分明下作九字重諧下又作一四一五  
字真所謂隨意亂填何以作諧按朱敦儒有小令  
四十六字者亦名十二時因查其即是憶少年故不  
收列此  
調之前

蘭陵王 一百三十字

史達祖

漢江側韻月弄仙人珮色含情久搖曳楚衣句天水空濛染

嬌碧文漪簟影織涼骨時將粉飾誰曾見羅襪去時句點

點波間冷雲積叶相思舊飛鷁叶謾想像風裳追恨瑤席叶

涉江幾度和愁摘叶記雪映雙腕刺紫絲縷分開綠蓋素

袂溼放新句吹入叶寂寂意猶惜念淨社因緣天許相

覓飄蕭羽扇搖團白屢側臥尋夢倚欄無力風標公子句

欲下處似認得叶

平仄如此無字可移如以為不便而欲出己意改之則奉勸不須作此調可也欲作此調則未有出此範

園者譜于弄珮楚染粉去冷舊恨映素放許等字俱  
作可平至以染嬌冷雲映雙放新許相俱作平仄全  
與蘭陵王風馬矣至以屢側臥分作三字句尋夢連  
下讀而末句作七字蓋其所收蘆川詞末句本云相  
思除是向醉裏暫忘却譜乃改相思前事除夢魂裏  
暫忘却不作七字而一句之中有三謬焉除字是  
上面移下來一也魂字是添出二也忘字讀作平聲  
三也意欲湊成末句七字移了上文下來故相思下  
補前事二字耳不知此調尾句六字俱是仄聲自有  
蘭陵王以來即便六仄字無一平者而譜何冒昧若  
此耶汲古刻片玉亦作似夢魂裏泪暗滴何其所見  
畧同豈夢字之下必應聯魂字耶稼軒只合化夢裏  
蝶詞統亦以裏字說中字是則凡遇夢字即做夢矣  
一笑劉須溪于後兩段俱用春去二字起句查第二  
段相思字他家無用仄叶者可不必從且劉詞用字  
多出入總不足法也涼骨是叶韻二字句觀蘆川捲



珠箔一首云吹落梢頭嫩萼可見或初見余此註訝然指為穿鑿余檢美成柳陰直詞示之曰誰識京華倦客而千里和周者亦曰曾識傾城幼客詞綜載彭履道詞云飛去黃鸝自語雖他家或有不叶者不可謂此非叶也

破陣樂 一百三十二字

柳 永

露花倒影烟蕪蘸碧靈沼波暖金柳搖風木木繫彩舫

龍船遙岸千步虹橋參差雁齒直趨水殿遠金堤曼衍

魚龍戲簇嬌春羅綺喧天絲管霽色榮光望中似覩蓬

萊清淺時光鳳輦宸遊鸞觴飲臨翠水開鎬宴兩

兩輕舳飛畫楫競奪錦標霞爛聲歡娛歌魚藻徘徊宛  
轉別有盈盈遊女各明珠爭收翠羽相將歸去漸覺雲

海沉沉洞天日晚

此調無考証處 木木二字無理金柳至水殿似對  
後段兩兩至宛轉但聲歡娛歌魚藻六字比千步二  
句少二字必係差落蓋聲歡娛不成語也各明珠句  
各字下落採字但別有以下直至尾纔叶韻亦必有  
說脫不  
可考也

瑞龍吟

一百三十三字  
三疊

張翥

鰲溪路瀟灑翠壁丹崖古藤高樹林間猿鳥欣然故人

隱在溪山勝處

久延佇

渾似種桃源

裏白雲牕戶燈

前素瑟清樽

開懷正好連牀夜語

應是山靈留客雪

飛風起長松

掀舞誰道倦途相逢傾蓋如故陽春一曲

總是關心何妨共磯頭把釣梅邊徐步只恐匆匆去

故園夢裏長牽別緒寂寞閑鍼縷還念我飄零江湖烟

雨斷腸歲晚客衣誰絮

此詞以清真章臺路一曲為鼻祖向讀千里和詞愛其用字相符今此蛻巖詞亦和周韻者平仄亦復字字俱合信知樂府之調板如鐵古賢之心細如髮也花庵云前兩段屬正平調謂之雙拽頭後屬大石尾

十七字再歸正平故近刻周詞皆分三段愚謂既以尾為再歸正平則該分四疊而清真及此詞應在縷字再分一段矣若夢窗甲稿二首猶刻作兩段誤也夢窗丁稿一首于誰道二句落兩字其下亦多訛錯而三首俱以第一字作去聲若較第二段首字或可不拘然作者當依周為妥也此字吳用梯字平叶恐誤連牀句五字亦誤周處靜一首亦與此字字皆同但于途字用幕字飄零用曲曲二字此雖借入為平然此調以周詞作準繩用入終屬第二着人不可以其仄聲而亂填上去也圖譜于此詞只長松句失註叶韻其平仄全不

議改妙甚妙甚

大酺 一百三十三字

方千里

正夕陽閒秋光淡句鴛瓦參差華屋高低簾幙迥句但風搖

環珮細聲頻觸瘦怯單衣涼生兩袖零亂庭梧牕竹相

思誰能會是歸程客夢路諳心熟況時節黃昏閉門人

靜凭欄身獨歡情何太速歲華似飛馬馳輕轂謾自

歎河陽青鬢冉冉如霜把菱花悵然凝目老去疎狂減

思墮策小坊幽曲趣游樂繁華國回首無緒清泪紛於

紅菽話愁更堪剪燭

方和周詞平仄如一此旁註者依劉須溪任瑣窗寒一首載之因字同不另列隨作者取法而填之但或學周方則依周方或學劉則依劉不可相混也譜註斷不可從第一字喚起用去聲領句妙甚豈可作平

乎起游樂句周云況蕭索青燕國國字乃借叶即如  
借北字同詞人亦有不拘者故千里和之詞統云國  
字不通一作園又失韻此論甚謬園字可笑豈不失  
韻便可作青燕園乎青燕國頗有意味但可謂借韻  
不可謂不通也閑字必是閑字之  
說周用夢字去聲方必不作平也

### 歌頭

一百三十六字

唐莊宗

賞芳春暖風飄箔鶯啼綠樹輕烟籠晚閣杏桃紅開繁

萼靈和殿禁柳千行斜金絲絡夏雲多奇峯如削紈扇

動微涼輕綃薄梅雨霽火雲爍臨水檻永日逃繁暑泛

觥酌露華濃冷高梧彫萬葉一霎晚風蟬聲新雨歇

惜惜此光陰如流水東籬菊殘時嘆蕭索繁陰積歲時  
莫景難留不覺朱顏失却好容光且須呼賓友西園  
長宵讌雲謠歌皓齒且行樂

後半叶韻甚少必有訛處不敢擅註句豆即前半  
亦未必確然原註大石調姑存其體為餽羊而已

多麗

一百三十九字  
又名綠頭鴨

張翥

晚山青

韻

一川雲樹冥冥正參差烟凝紫翠斜陽画出南

屏館娃歸

豆

吳臺遊鹿銅仙去漢苑飛螢懷古情多憑高

望極

句

且將尊酒慰漂零自湖上愛梅仙遠鶴夢幾時醒

可早

可早

可早

可早

可早

可早

可早

可早

可早

可早

可早

可早

可早

可早

可早

空留得六橋疎柳孤嶼危亭待蘇堤歌聲散盡更須

携妓西冷藕花深雨涼翡翠菰蒲軟風弄蜻蜓澄碧生

秋闌紅駐景採菱新唱最堪聽見一片水天無際漁火

兩三星多情月為人留照未過前汀

詞品以此詞為石孝友作今查金谷遺音不載而張仲舉蜨巖樂府自註云西湖泛舟席上以晚山青為起句各賦一詞且玩其字句非蜨巖無此手筆其為張詞無疑此調作者雖多求其諧協婉麗無踰此篇者起句他家多不用韻惟盧炳李漳有之他家平仄或有不齊者今註明然如本詞可謂精當之至學者所當摹仿也一片上汲古缺見字今補正侯寘于疎柳二字作是誰留照二字作化爐平仄異或不拘



然他家無之若簷玉于空留得作夜沉沉更須句作  
却孤劔水雲鄉火字作封俱不可從詞統載鳳凰簫  
一首云是柳詞于歸字深字用仄樂章不載必非柳  
作也聲字次山作里字天游作絮字想不拘天游于  
採菱句云隔牆又唱謝秋娘沈氏選詞落一謝字遂  
註題下云後段少一字不知自己誤脫而謂另有此  
體謬哉

又一體 一百三十九字

晁補之

新秋近晉公別館開筵喜清時銜杯樂聖未饒綠野堂

邊繡屏深麗人乍出坐中雷雨起鷗絃花煖間關冰凝

幽咽寶釵搖動墜金鈿未彈了昭君遺怨四坐已淒然

西風裏香街駐馬嬉笑微傳句 算從來司空見慣斷腸句

初對雲鬟夜將闌井梧下葉砌蛩收響悄林蟬賴得多句

愁得陽司馬當時不在綺筵前競嘆賞檀槽倚困沉醉句

倒觥船芳春調紅英翠萼重變新妍句

起三字用仄與前調不同坐中句砌蛩句雖亦七字  
而用上四下三與七言詩句同比前調兩句相對者  
異是另  
一體也

又一體 一百四十字

聶冠卿

想人生美景良辰堪惜向其間賞心樂事古來難是并句

得<sup>叶</sup>況東城鳳臺沁苑泛清波淺照金碧露洗華桐烟霏

絲柳綠陰搖曳蕩春一色畫堂迴玉簪瓊佩高會盡詞

客清歌久重然絳蠟別就瑤席有翩若驚鴻體態暮

為行雨標格逞朱唇緩歌妖麗似聽流鶯亂花隔慢舞

縈回嬌鬟低顰腰肢纖細困無力忍分散彩雲歸後何

處更尋覓休辭醉明月好花莫慢輕擲

用仄韻與前異此詞相傳如此豈敢他議然竊有疑者凡詞之平仄可兩用者其調本同但叶字用仄耳如聲聲慢絳都春之類甚多可証即今南曲中画眉序高陽臺等曲亦然雖韻不同而中間字句則合即

此理也此篇與前平韻詞自是一樣蓋想人生三字為領美景句為接是起韻語向其間下十三字與沈東城句亦皆同泛清句向讀作上三下四今疑是七言詩句法蓋用晁詞體故後段似聽流鶯句亦七言詩句四不然無前後兩般之理但似聽句該仄平平仄仄平平而此乃相反因思聽字必讀平聲而流鶯乃鶯語之誤耳露洗二句每句四字綠陰句該七字愚謂一字乃誤多者且蕩春一色亦難解其為七字句無疑原調平聲者一百三十九字此仄聲者今作一百四十字恰是誤多此一字也自來選家譜家從未留心體察耳画堂迴下字句皆相同明月好花必是好花明月此句對前重然絳蠟也如此相對豈非此篇只換得韻脚其餘皆相符乎 嘯餘不收前平聲調惟收此詞又欲改六十六字可怪圖譜亦依之乃後添又一體註云前段八句九句并作七字蓋指綠陰搖曳句也又云十句十一句亦并作七字蓋指

畫堂迴句此句原七字不知何以謂之并作七字其詞又不載真無從摸索也又云用平韻餘俱同前既云用平則安得餘俱同前乎

玉女搖仙佩

一百三十九字

柳永

飛瓊伴侶偶別珠宮未返神仙行綴取次梳粧尋常言

語有得幾多姝麗擬把名花比恐傍人笑我談何容易

細思算奇葩艷卉惟是深紅淺白而已爭如這多情占

得人間千嬌百媚須信畫堂繡閣皓月清風忍把光

陰輕棄自古及今佳人才子少得當年雙美且恁相偎

倚未消得<sup>叶</sup>鄰我多才多藝<sup>叶</sup>願<sup>叶</sup>奶奶蘭心蕙性<sup>叶</sup>枕前言下<sup>叶</sup>

表余深意為盟誓從今斷不負鴛被<sup>叶</sup>

偶別至而已與後皓月至深意同但枕前言下四字  
平仄與惟是深紅不同此調圖譜不收嘯餘于表余  
深意句不知是叶韻竟連下為盟誓作七  
字句豈如此著譜而能禁人之指摘乎哉

六醜

一百四十字

方千里

看流鶯度柳似急響<sup>叶</sup>金梭飛擲<sup>韻</sup>護巢占泥<sup>叶</sup>翩翩飛燕翼<sup>叶</sup>

昨夢前迹<sup>叶</sup>暗數歡娛處<sup>句</sup>艷花幽草縱冶遊<sup>叶</sup>南國芳心蕩

漾如波澤繫馬青門<sup>叶</sup>停車紫陌年華轉頭堪惜<sup>叶</sup>奈離襟

別袂容易疎隔

人間春寂謾雲容暮碧遠水沉雙鯉

無信息天涯漸老羈客嘆良宵漏斷獨眠愁極吳霜皎

半侵華幘誰復省十載勻香暈粉髻傾鬟側相思意不

離潮汐想舊家接酒巡歌計今再難得

與清真詞平仄無異篇中諸去聲字俱妙而占易離尤契緊夢窗漸新鵝映柳一首亦皆相合只春字作翠字去聲家字作永字上聲耳汲古刻于春寂分段非今查夢窗詞于隔字分則當如右所錄也譜中字字亂註而于縱治遊南國云可平平平仄反芳心蕩漾如波澤云可仄反平平平反尤為怪異不知何所見而云然也且此調楊升庵以其名不雅改曰箇儂已為無謂圖譜乃于六醜之外又收箇儂一詞兩

篇相接何竟未一點勘耶且楊本和周韻而兩詞分  
句大異可怪之甚是則升庵和詞而誤其誤者十之  
三圖譜創立新調而誤其誤者十之七矣今據圖  
譜所書備列于後以見愚非敢謗先賢與時賢爾

箇儂

恨箇儂無賴

字五

嬌賣眼

字三

春心偷擲

字四

起字

蒼苔花

落

字四

一雙先印

字五

下月樣春跡

字九

字

羅襦襟解聞香

字七

澤

似

仙樹御香

字五

水邊韓國

字四

何人輕憐痛惜

字六

字

又暮

字

又暮

字

字

雌蝶雄蜂

字四

東城南陌

字四

何人輕憐痛惜

字六

字

又暮

字

又暮

字

字

宋玉隣牆

字五

巫山寧隔

字四

尋尋覓覓

字四

字

又暮

字

又暮

字

字

雲凝碧

字五

良夜千金

字四

繁華一息

字四

字

楚宮盼昧

字

又暮

字

字

留客

字五

愛長袖風流

字五

鍾情何極

字四

字

唱道是鳳

字

又暮

字

字

幃深處

字五

附素足

字五

顛裊周旋惡

字五

字

憐伊儘傾側

字五

又暮

字

字

叶

叶

郎莫枉春夕

字

恐佳期別後

字

字

青天樣

字

又暮

字

字

由再得

字四

又暮

字

又暮

字

字

又暮

字

又暮

字

字

右詞本和周韻而合于周者擲跡國澤陌惜隔碧息



客極側得十三韻其失和而自用韻者寂字以覓字  
代叶汐字以夕字代叶其志為韻脚而失和者翼字  
幘字二韻其句法誤者遠水句上五下三楊因周作  
靜遠珍叢底成嘆息誤讀底成相連因為四字兩句  
矣艷花二句周云夜來風雨葬楚宮傾國楊誤讀葬  
字屬上句因作上五下四矣十載句周云一朵釵頭  
顫裊向人欹側本上六下四楊誤讀一朵釵頭為四  
字句因作顫裊周旋矣其他平仄誤處則箇無蒼聞  
石名樹香輕痛暮凝楚袖風流鍾唱道附憐伊儘叫  
郎舊等字俱平仄相反而窺宋玉句全差矣然夢字  
楊用樣字離字楊用枉字猶知用仄也至圖譜之註  
則并此一槩改抹且以翩翩句作九字吳霜皎句作  
十字更異者楊作顫裊周旋二句不過誤作上四下  
六而圖譜乃註作五字兩句以顫裊周旋惡分斷又  
楊本蒼苔落花圖譜改為  
花落豈非誤而又誤乎哉

玉抱肚

一百四十字

楊无咎

同行同坐同携同臥正朝朝暮暮同歡句怎知終有拋擲叶

記江臯惜別那堪被流水無情送輕舸有愁萬種恨未

說破知重見句甚時可叶見他渾閒堪嗟處山遙水遠音

書也無箇這眉頭彊展依前鎖這泪珠彊收依前墮我

平生不識相思為伊煩惱忒大你還知麼你知後我也

甘心受摧挫又只恐你背盟誓似風過共別人忘着我

把洋瀾左都捲盡與殺不得這心頭火

此詞姑照本集錄之分段恐不確惜無可引証也  
按那堪被十字是對你知後十字因思正朝朝二句  
可對我平生二句但你還知麼比記江皋句少一字  
是則這眉頭二句乃是換頭配首起坐卧二韻而見  
也至無箇尚屬前段  
耳不然前短後長矣

六州歌頭

一百四十一字

程秘

向來抵掌句未必總談空韻難徧舉質句三事試從公叶記當年句

賦得一丘一壑句天鷲濶淵魚句靜莫擊磬但酌酒儘從容叶

一水西來他日會從公豆曳杖其中問前回歸去笑白髮句

成蓬不識如今幾西風叶蒙莊多事論虱豕推羊蟻未句

辭終又驟句記魚得計孰能通嘆如雲罔罟龍伯啖眇難

窮凡三惑誰使我釋然融句豈是匏瓜繫者把行藏悉付

鴻濛且從頭檢校想見國迎公湖上千松

會從公公字或謂亦是叶玩此調及語氣應是偶合  
者況前後有公字叶豈複三韻乎此體惟程此篇恐  
有誤姑列于此作者  
自從辛張等調可耳

又一體 一百四十二字

韓元吉

東風著意先上小桃枝紅粉膩嬌如醉倚朱扉記年時

隱映新妝面臨水岸春將半雲日煖斜陽轉夾城西草

軟沙平驟馬垂楊渡玉勒爭嘶認蛾眉凝笑臉薄拂腮

脂繡戶曾窺恨依依昔攜手處香如霧紅隨步怨春

遲消瘦損憑誰問只花知泪空垂舊日堂前燕和烟雨

又雙飛人自老春長好夢佳期前度劉郎幾許風流地

也應悲但茫茫暮靄目斷武陵溪往事難追

按此調較辛張等詞惟也應悲句少一字認蛾眉下十字他家作兩五字句餘同但其所用三字句皆逐段自相為叶凡換五韻此則他家俱無此體獨此首為然然余亦細玩而得之人多未察也前度句他家俱作六字風流以下作七字與此亦異

又一體

一百四十三字

張孝祥

長淮望斷

句

關塞莽然平

韻

征塵暗

句

霜風勁

句

悄邊聲

句

黯銷凝

句

追想當年事

句

殆天數

句

非人力

句

洙泗上

句

絃歌地

句

亦蘊腥

句

隔

水蘊鄉

句

落日牛羊下

句

區脫縱橫

句

看名王宵獵

句

騎火一川

句

明笳鼓

句

悲鳴遣人驚

句

念腰間箭匣中

句

劒空埃壘

句

竟何

句

成時易失

句

心徒壯

句

歲將零

句

渺神京

句

千羽方懷遠

句

靜烽燧

句

且休兵

句

冠蓋使紛馳

句

驚若為情

句

聞道中原遺老

句

常南望

句

翠葆霓旌

句

使行人到此

句

忠憤氣填膺

句

有淚如傾

此則稼軒後村龍洲諸家俱用此體旁註照各家作  
龍洲又一篇首段起句云鎮長淮一都會古楊州升  
平日朱簾十里春風小紅樓後段云悵望金陵宅丹  
陽郡山不斷綢繆與此篇又異茲註明不另錄又  
按此調或于亦羶腥處分為首段且休兵處分為次  
段共成三疊未知孰是譜不知何故將征塵暗六字  
殆天數六字洙泗上六字看名王十字匣中劍六字  
時易失九字冠蓋使九字皆各合為一句然此猶不  
大害也復將悄邊聲二句合而為一則失去聲字一  
韻筇鼓二句合而為一則失去鳴字一韻渺神京至  
懷遠合而為一則失去京字一韻一調而使入失叶  
三韻尚得為譜乎作圖者尚從之而弗敢變填詞者  
亦從之而弗敢易真所不解矣然圖譜不  
議改字甚善念字領句腰間相連勿誤

夜半樂

一百四十四字  
三疊

柳永

凍雲黯淡天氣扁舟一葉乘興離江渚渡萬壑千巖越

溪深處怒濤漸息樵風乍起更聞商旅相呼片帆高舉

泛画鷁翩翩過南浦望中酒旆閃閃一簇烟村數行

霜樹殘日下漁人鳴榔歸去敗荷零落衰楊掩映岸邊

兩兩三三浣紗遊女避行客含羞笑相語到此因念

繡閣輕拋浪萍難駐歎後約丁寧竟何據慘離懷空恨

歲晚歸期阻凝泪眼杳杳神京路斷鴻聲遠長天暮

此詞三疊首段渡萬壑以下與中段殘日以下同雖  
渡萬壑二句上五下四殘日句應三字自然語氣一



貫不拘也中段起亦六字圖于旖字分句誤閃閃而動正言酒旖不可指烟村中段尾笑相語正對首段尾過南浦同仄平仄而各刻俱作相笑語誤甚不特失調而笑相語比相笑語用字道俊宜淺人所知後段杳杳神京路是叶韻後詞亦用暮字圖以斷字連上而下鴻聲遠長天暮作三字兩句誤

又一體 一百四十六字

柳永

艷陽天氣烟細風煖芳草郊燈明閒凝竚漸妝點亭臺

參差佳樹舞腰困力垂楊綠映淺桃穠李天天嫩紅光

數度綺燕流鶯鬬雙語翠蛾南陌簇簇躡影紅陰緩移

嬌步搗粉面韶容花光相妒絳綃袖舉雲鬟風顫半遮

檀口含羞背人偷顧競鬪草金飲笑爭睹對此嘉景頓

覺銷凝惹成愁緒念解珮輕盈在何處忍良時辜負少

年等閒度空望極回首斜陽暮嘆浪萍風梗如何去

比前多二字其大畧相同然恐有訛字而芳草下數字尤差欽字亦差應是釵字之訛光數應是無數之訛首節應在鬪雙語分段次節應于笑爭睹分段茲姑照原本錄之

寶鼎現

一百五十五字  
三疊

康與之

夕陽西下暮靄紅臨香風羅綺乘麗景華燈爭放濃焰

燒空連錦砌靄皓月浸嚴城如画花影寒籠絳蕊漸掩

映芙蓉萬頃句迤邐叶還齊開秋水叶太守無限行歌意擁麾叶

幢光動珠翠叶傾萬井歌臺舞榭叶瞻望朱輪駟鼓吹控寶

馬耀貔貅千騎句銀燭交光數里似亂簇寒星萬點擁入句

蓬壺影裏叶宴閣多才環艷粉瑤簪珠履恐看看丹詔句

催奉宸遊燕侍便叶起早占通宵醉緩引笙歌妓任画角句

吹老寒梅月滿西樓十二叶

首段東麗景下與次段傾萬井下同此調作者各有  
參差向疑此篇有誤蓋宴閣多才比他家少二字恐  
看看句亦有誤但思伯可名擅一時此篇尤為膾炙  
當時元夕必歌此曲故竹山女冠子云綠鬟隣女綺

窗猶唱夕陽西下則此篇傳世最盛不應有訛落也  
及查惜香樂府則字數適與此同宴閣句亦四字恐  
看看二句亦一五一六始信此詞自有此體只惜香  
于芙蓉萬頃作巷陌連薨吹老寒梅作恁時恁節平  
仄稍異耳因考此調結處如漸掩映下十三字三段  
皆同有作上七下六者有作一五兩四者可以不拘  
也鬻隘二字俱仄各家多同惜香于隘字作平恐誤  
譜并紅字俱作可仄則萬無此理太守二字註作可  
平以及通篇俱亂註無謂之甚必不可從也騎字偶  
合不必叶按石孝友雪梅清瘦一首汲古刻以次  
段尾句為三段首句誤而第三段多錯字竟  
不可讀且止存一百五十一字故不敢錄

### 又一體

一百五十八字

劉辰翁

紅粧春騎踏月呼影千旗穿市望不見璫樓歌舞習習

香塵蓮步底簫聲斷約綵鸞歸去未怕金吾呵醉甚輦

路喧闐且止聽得念奴歌起父老猶記宣和事抱銅

仙清泪如水還轉盼沙河多麗滉漾明光連邸第簾影

動散紅光成綺月浸蒲桃十里看往來神仙才子肯把

菱花撲碎腸斷竹馬兒童空見說三千樂指等多時

春不歸來到春時欲睡又說向燈前擁髻暗滴鮫珠墜

便當日親見霓裳天上人間夢裏

與前詞大槩相同只第三段六字起等多時二句上  
七下五與前詞恐看看二句上五下六者異三結與

前同騎字止字麗字綺字子字偶合可不叶 按程  
秘錄楊欲舞一首亦一百五十八字雖多闕文而字  
皆相合只未怕句作問元功誰變理月浸句作恬  
然如談笑耳等多時二句則依康詞為稍異也

又一體 一百五十八字

張元幹

山莊圖画句錦囊吟咏胸中丘壑韻年少日如虹豪氣吐鳳句

詞華渾忘却便袖手向巖前溪畔種滿烟梢霧籜想別句

墅平泉當時草木風流如昨句瘦藤閒倚看鉏藥雙芒句

鞦雨後常着目送處飛鴻滅沒誰問蓬蒿爭燕雀乍霽句

月望松雲南渡短艇散沙夜泊正萬里青冥千林虛籟句

從渠贈繳

携幼尚有筠丁誰會得人生行樂岸幘綸

巾歸去深戶香迷翠幙恐未免上凌烟閣好在秋天鶚

念小山叢桂今宵狂客不勝盃勺

三結俱用一五兩四者岸幘二句俱六字  
又與前二體不同囊藤各家俱反此恐誤

穆護砂 一百六十九字

宋 裴

底事蘭心苦便淒然泣下如雨倚金臺獨立搵香無主

斷腸封家如妒亂撲簌驪珠愁有許向午夜銅盤傾注

便不是紅冰綴頰也溼透仙人烟樹羅綺筵中海棠花

下淫淫句常怕鳳脂撥平枯比雒陽年少句江州司馬多少定誰

似備平照破別離心緒叶反學人生有情酸楚叶反想洞房佳會而句

今寥落誰能暗收玉叶反筋算只有金釵曾巧補輕拭了句粉

痕如故愁思減舞腰纖細清血盡媚臉叶反膚腴又恐嬌羞句

絳紗籠却綠牕伴我檢詩書更休教隣壁偷窺幽蘭啼

曉露叶反

倚金臺至脂枯與後想洞房至詩書同此調  
以枯腴書為叶是平仄通用者似字係借韻

稍遍 二百三字 稍一作哨  
蘇軾



為米折腰句因酒棄家句口體交相累韻

折棄二字須仄聲累字起韻各家俱同以

後韻脚平仄

歸去來可叶

亦有叶者然

誰不遣君歸換平

坡公春

通叶不拘

歸去來可叶

可以不必

誰不遣君歸換平

詞云洗

出碧蘿天不叶韻

細考坡春詞一篇與本調多不合處

不必從也稼軒此句云翠藻青萍裏用上聲叶但不可

去覺從前皆非今是可叶

各家

露未晞可叶

稼軒方秋崖用上聲聲叶王初寮不叶征

夫指予歸路可叶

有叶者然不必稼軒莊周談兩事

門前笑

語喧童穉可叶

各家同坡春詞以上三句云一霎晴風迫芳草榮光浮動卷皺銀塘水與本調不合不必

從

嗟舊菊都荒新松暗老可叶

各家

吾年今已如此可叶

初寮後村同稼

軒云之二蟲又何知用平叶秋崖同稼又云又說於羊棄意坡又云園林翠紅排比與此稍異但小牕

容膝閉柴扉

叶平各家同秋崖云凡三千五百廿年餘廿字本音溼詞匯刻作二十年餘多一字便難

讀而失調矣窗字坡

又作燕不如用平

策杖看孤雲暮鴻飛

叶平各家同稼軒末三字云為

得計用仄叶為得二字不

合此雖不拘依坡為妥

雲出無心鳥倦知還

叶各家同稼軒于鳥

倦句又云冰蠶語熱平仄

異方亦然或可不拘也

本非有<sub>叶</sub>意

叶各家同稼軒非作我上聲

噫

一字句譜俱連下讀誤各家如稼軒三首兩用噫字一

用嘻字後村秋崖亦用噫字初寮用嗟字是知此一字

為起語而坡春詞便乘興携將佳麗深入芳菲裏不但

無此一字其下句亦非一四一七者故云與本調不合

也至稼軒池上主人一首本用噫字下云子固非魚而

圖譜偏改作子固非魚噫註為五字句毋論失韻失調

試問子固非魚噫文理如何解得去稼軒于千載下冒

此不通之名亦冤矣或曰凡詞調從無一字句者子安

得創為此說余曰十六字今已用一字為首句況詞為  
曲祖北曲之上馬嬌九條龍貨郎兒山坡羊闌金經等  
一字句甚多噫字正用論語噫斗筭之人句而梁伯鸞  
五噫歌亦用于詩中詩曲可用一字豈詞獨不可用乎  
蘇辛劉方等皆用支微齊韻故皆以噫字領句若  
用他韻即以此本韻一字叶之但須通得去耳

來兮

叶或有不叶者不拘

我今忘我兼忘世

叶初察同辛劉方俱用平叶

親戚無

浪語

叶辛劉同初察秋崖浪作平

琴書中有真味

叶初察同方辛用平叶中有二字可分豆亦

可相連坡春詞此二句作上四下六與本調不合

步翠麓崎嶇泛溪窈窕

叶泛字恐是

清字各

涓涓暗谷

如流水

叶各家同稼軒云過而

觀草木

欣榮

幽人自感

叶各家同坡春詞及後村于上句少觀字乃誤落也方于上句榮字亦叶韻可以

不吾生行且休矣叶仄各家同後村云采于山念寓形宇內叶平

復幾時不自覺皇皇欲何之叶平此二句即同前但小窗二句蓋自涓涓至此六句與

前段門前至鴻飛同也初寮後村及坡春詞俱與此合

辛云看一時魚鳥忘情喜會我已忘機更忘已用仄叶

方亦然坡春詞任滿頭紅雨落花飛各刻俱于飛字下

增一墜字人遂謂九字句誤也劉云大丈夫不遇之所

為刻亦于過字委吾心去留難計叶平各家同辛云似鷗鵬

下誤多一時字變口幾幾是叶韻

各刻俱于幾字上落一字譜因註似鷗鵬變化為五字

句而以幾字連下作幾東遊入海亦註為五字句而下

更註為七字句神仙知在何處叶平各家同坡春詞云君看

矣可嘆可嘆叶平今古悠悠與本調不合

富貴非吾願叶平此句各家俱叶舊刻作非吾願願字乃誤

也蓋此詞乃藥括歸去來辭故因成語差

刻愚謂必志字或事字之訛人未細考故相傳成誦耳各家俱仄叶獨辛一首于此二句云東遊入海此計直以命為嬉嬉字平叶但此計二字恐有誤處圖譜因東遊四字連上幾字故以此計字連下作七字句尤無此體例也嬉字恐是戲字之誤

但知臨水登山嘯詠

自引壺觴自醉

此

四字一氣讀如此詞應作上八下六而臨水登山又應相連方云幾時明潔幾時昏暗畢竟少晴多雨則明是兩四一六坡春詞亦然辛一首亦同而又一首云大方達觀之家未免長見悠然笑耳觀音貫此則句法不同若王劉則一六兩四故知平仄不異分豆可不拘耳辛又一首云古來謬算狂圖五鼎烹死口為平地各刻為字上一字或作柏或作恒此必有誤譜不置辯而又不註斷止于第二體題下註云十五句作七字十六句六字十七八句四字竟如夢囈

此生天命更何疑且乘流

雖智者亦不能明其故也

此

生

天命更何疑

且

乘

流

遇坎還止叶反各家

此調長而多訛故逐句註釋以便省覽

戚氏

二百十二字  
三疊

柳永

晚秋天韻

一霎微雨灑庭軒叶檻菊瀟疎井梧零亂句惹殘烟叶

淒然望江關叶

飛雲黯淡夕陽間叶當時宋玉悲感句向此臨作平

水與登山叶

遠道迢遞行人淒楚句倦聽隴水潺湲叶正蟬鳴可平

敗葉蛩響衰草叶

相應聲喧孤館度日如年叶風露漸變句

悄悄至更闌叶

長天靜絳河清淺句皓月嬋娟思綿綿叶夜永

對景那堪屈指暗想從前未名未祿綺陌紅樓往往經

歲遷延帝里風光好當年少日暮宴朝懽况有狂朋

恠侶遇當歌對酒競留連別來迅景如梭舊遊似夢烟

水程何限念利名憔悴長縈絆追往事空慘愁顏漏箭

移稍覺輕寒聽鳴咽画角數聲殘對閒牕畔停燈向曉

抱影無眠

圖譜于然字不註叶失一韻矣遠道迢遞譜云可平  
平平平蛩響衰草譜云可仄平仄仄風露漸變譜云  
可仄平平平仄誤  
觀後坡詞可知

又一體 二百十三字

蘇軾

玉龜山東皇靈婉統羣仙絳闕宮堯翠房深迴倚霏烟韻

幽閒志蕭然金城千里鎖嬋娟當時穆滿巡狩翠華曾

到海西邊風露明霽鯨波極目勢浮輿蓋方圓正迢迢

麗日玄圃清寂瓊草芊綿爭解繡勒香韉鸞輅駐蹕

八馬戲芝田瑤池近画樓隱隱翠鳥翩翩肆華筵口間

作管鳴絃宛若帝所鈞天稚頭皓齒綠髮方瞳圓極恬

淡高妍盡倒瓊壺酒獻金鼎藥固大椿年縹緲飛瓊



妙舞命雙成句奏曲醉留連叶雲璈韻響瀉寒泉叶浩歌暢飲句

斜月低河漢換庚午漸綺霞天際紅深淺叶動歸思叶迴盼塵寰爛叶

慢遊玉輦東還叶杏花風數里響鳴鞭叶望長安路依稀柳句

色翠點春妍叶

刻本漸字下誤重一字盼字誤今字今改正 雲璈  
句七字叶韻與前調別來句六字不叶異其餘俱同  
人每謂坡公詞不協律試觀如此長篇字字不苟何  
常不協乎故備錄之且李方叔云此是因妓歌此調  
詞不佳公適讀山海經乃令妓復歌隨字填去歌完  
詞就然則坡仙豈非天人而奈何輕以失律譏之歟  
口間作管鳴絃作管二字必誤此句對前  
詞夜永句應改間聲作口管鳴絃為是

鶯啼序

二百四十字  
四疊

吳文英

殘寒正欺病酒掩沉香繡戶燕來晚飛入西城似說春

作平

事遲暮画船載清明過却晴烟冉冉吳宮樹念羈情遊

蕩隨風化為輕絮十載西湖傍柳繫馬趁嬌塵輭霧

溯紅漸招入仙溪錦兒偷寄幽素倚銀屏春寬夢窄斷

紅溼歌紈金縷暝堤空輕把斜陽總還鷗鷺幽蘭旋

老杜若還生水鄉尚寄旅別後訪六橋無信事往花菱

瘞玉埋香幾番風雨長波妒盼遙山羞黛漁燈分影春

江宿記當時句短檣桃根渡叶青樓彷彿臨分敗壁題詩句泪

墨慘淡塵土叶危亭望極草色天涯嘆髣侵半苧暗點叶

檢離痕歡唾尚染鮫綃句彈鳳迷歸破鸞慵舞殷勤待寫句

書中長恨藍霞遼海沈過雁謾相思彈入哀箏柱傷心叶

千里江南怨曲重招斷魂在否叶

詞調最長者惟此序而最難訂者亦惟此序蓋因作者甚少惟夢窗數闋與詞林萬選所收黃在軒一首耳其中句法字法多有不一今細細校定大約從其合者可也起句六字合矣次句五字句法上一下四吳之引鴛鴦戲水凝春空燦綺凝去聲黃之卧長龍一帶合也次七次六亦合但說字吳他作用紗字碧

字說碧入作平而黃用市字仄然照後段兒字應作平聲耳次七字人多因橫塘棹穿艷錦一曲云潤玉瘦冰輕倦浴疑是七言詩一句于冰字讀斷作上四下三句法而黃作芳草岸灣環半玉似亦可兩借不知此作画船載又別作綵翼曳扶搖宛轉則顯然上三下四是本無不合而人誤讀也次七字俱合次念羈情至輕絮十一字可作上五下六讀亦可作一三兩四讀觀吳他作聽銀水聲細梧桐漸攪涼思吳作看碧天連水翻成箭樣風快則當為上五下六而觀第二段之結及吳他作怕因循羅扇思疎又生秋意黃作黛眉修依約霧鬟在秋波外則是一三兩四者夢窗天吳駕雲闌海一篇首段云近玉虛高處天風笑語飛墜次段云步新梯藐視年華頓非塵世或者因謂前必上五下六次必一三兩四乃是定格余曰非也總之此十一字意義相貫但平仄聲響不誤便是難訂難從處不在此也第二段起句四字次句四

字次句五字乃一定之體蓋起二句為換頭而五字句仍與前段合也人因橫塘曲內次句用冉冉迅羽乃上上去上四仄字故讀作窗隙流光冉冉一句迅羽愴空梁燕子一句不知四仄乃此調定格此詞傍柳繫馬四字亦然不可截傍柳連上作西湖傍柳亦不可截繫馬連下作繫馬趁嬌塵也况吳他作清濁縞塵快展曠眼傍危欄醉倚黃作白露橫江一葦萬頃問靈槎何在快展句一葦句皆四仄尤為明証考此則不惟句法該兩四一五而四仄字萬無夾一平聲如時人所作薄鉛不御之理矣所用趁字傍字問字領起五字句正與首段掩沉香句法同次七次六與前合但遡紅漸黃作平仄仄幽字吳他作金字平聲不字亦作平聲黃作沈字去聲然照前段遲字應作平耳遡紅漸七字本上三下四黃作空翠溼衣不勝寒人多讀空翠溼衣此誤認也但觀前段燕來晚句上三下四原無不合次七字上三下四四詞皆合

但夢字黃作襯吳他作兩俱仄聲且前段此句吳用  
過倦宛三字黃用半字則此字宜仄乃詞統詞滙於  
吳橫塘曲刻云記瑯玕新詩陳迹指香痕纖蔥玉指  
陳字乃是平聲可疑及查吳本稿則記瑯玕新詩細  
指早陳迹香痕纖指是細字本是仄聲而各書誤刻  
耳因一字之差遂致參差不合甚矣書之不可不細  
校也次又七字句此句最為可疑論前段晴烟冉冉  
句則上四下三該如七言詩一句四詞皆合而此句  
獨黃作瓊田湧出神仙仙界與前段合若此首斷紅溼  
歌紉金縷與他作早陳迹香痕纖指又燕泥動紅香  
流水則用上三下四矣此則依吳依黃可以不拘也  
次十一字與前合不必再論只斜字吳他作恩字年  
字平聲與前段合而黃作霧字去聲此則當依吳為  
是還字與前為字皆平聲而吳他作二首與黃作皆  
前結用仄次結用平想皆可不拘其難訂難從處猶  
不在此也第三段起處兩四一五四詞皆同只水鄉

句句法稍異若作尚水鄉寄旅則與前段合觀他作  
嘆幾縈夢寐可見黃作飛蓋蹴鰲背亦不合不必從  
也乃詞統詞匯于橫塘曲第三段誤刻云西湖舊日  
画舸頻移不定嘆幾縈夢寐霞佩冷飛雨乍溼鮫綃  
暗盛紅泪比前段于頻移下多不定二字于霞佩冷  
下少五字讀之再三不解及查本稿則頻移下原無  
不定二字而霞佩冷下乃疊瀾不定麝靄飛雨乍溼  
鮫綃暗盛紅泪與前段原合其他作翁笑起離席而  
語敢詫京兆以後為功落成奇事字字相同奈為後  
人訛亂耳黃作萬選刻云燈火暮相輪倒景隄睇別  
浦片片歸帆共十五字以燈火暮三字抵別後訪則  
其下少四字且失一叶韻句其誤不必言矣事往花  
萎萎字平聲亦可作仄讀麝靄飛雨敢託京兆等皆  
仄仄平仄至後之尚染鮫綃則各篇俱用仄仄平平  
想不拘然用平為有調也次兩四字相對下以七字  
句承之四詞皆合只黃作于漁燈句汲古刻云有人

剪取江水此乃江字上落一字或吳字或淞字耳次  
八字上三下五四詞皆合次四字次六字又次六字  
皆合只臨分之分字吳他作用頭字街字而黃用見  
字去聲不必從也第四段兩四一五與前合四詞皆  
同只嘆髻侵句橫塘曲云也感紅怨翠翠字仄聲與  
此相合而黃作寄語休見猜吳他作正午長漏遲猜  
遲二字想可以平叶仄但寄語二字亦如飛蓋二字  
句法不如上一下四也暗點檢以下至慵舞與前段  
合黃作于首三三句止有洗却二字乃脫去一字吳  
他作詞滙于省慣二字上乃脫一念字也次殷勤至  
過雁十五字與前段俱合四詞亦皆同過字宜仄聲  
讀吳他作浪字稊字黃作我字俱仄聲不可平也次  
謾相思下二十二字四詞俱合但汲古刻吳他作御  
爐香分染朝衣袂脫染字耳據此結該六字與兩四  
字或因謂前結亦應以六字領句青樓彷彿臨分可  
以讀斷不知黃與吳他作不可讀斷詞于結處另異




乃是常格第四段尾只還他一六兩四可耳總之作詞須從其多者須從其全者尤須從其前後相同者便無差謬故以愚見論次如右不知時流肯謂余之狂言為然否也又汲古載夢窗稿附絕筆一首即天吳一曲而殘闕幾半毛氏未訂并載于帙耳按楊升庵先生于詞道原不甚精究但喜用新穎之字故人多愛而仿之不知天下未有眉目不全之女人而以脂粉為絕色者如此調六字起句用平平去平去上是定格也升庵作碧雞唱曉四字次句五字用去平上平去上定格也升庵作霞散綺重關慳画全不相涉時流不以古人為法而偏學升庵未審何意且于碧雞唱曉之仄平仄仄又變而為仄仄平平則尤不解矣至画船載二句升庵亦未錯也學之者乃誤作兩句七言相對如滿江紅中語豈不大誤隨風二字升庵作聯翩亦未錯也學之者乃誤作兩去聲豈不大誤傍柳繫馬升庵作雨信頃刻亦未錯也學之

者乃誤于柳字用平豈不大誤春寬夢窄升庵作洛  
神襯襪亦未錯也學之者乃誤作平仄平平杜若還  
生升庵作文石錦沙只錦字用上聲猶可借也學之  
者用仄仄仄平平仄六字豈不大誤事往花萎下該  
有瘞玉二句升庵只有五字叶韻一句桃根渡下反  
多一七字叶韻句青樓下只有一五一六兩句共少  
五字誤矣學之者于別後訪作五字其下四句四字  
不叶韻即用七字叶韻句接之而七字又作仄仄平  
平仄平仄豈不大誤暗點檢句升庵只作六字寫字  
誤平藍海句誤上三下四學之者于嘆髻侵半字用  
仄仄平平仄其第二段亦然俱作五言詩句法豈不  
大誤春秋責備賢者故余後學鄙人不禁媿媿高明  
定能諒之然則既欲作詞何不一斟酌于古人而必  
擇一失調者為式且更于其失調之外更多失調耶  
至圖譜之亂分字句亂註平仄不可枚舉又不足論  
乃收升庵明人之詞二百三十五字者為式已為可

怪又續收一夢窗詞杜撰一名命之曰添字  
鶯啼序則又安得怪人之吹毛索癥也哉

琰青曰余初讀此調即疑有誤然數詞並列未能確  
辨其是非及閱紅友稿見其逐句逐字論定胷次疑  
團不覺冰釋因嘆不具此眼光心血豈能使五百餘  
載之傳訛一日剖去蔓藤瑩為明鏡乎前此哨遍一  
篇訂釋已嘆希有至此尤不能不為心悅誠服矣天  
下有不心悅誠服者非庸妄之夫即偽為支飾者矣  
將付梓時紅友必欲于此註另加刪定蓋謂談及時  
流恐以賈怨也余曰風雅一道于今淪亡有志于此  
者正願有同志之人疑義相晰有疵謬處正望有人  
為我糾正若護短飾非反答人之針砭豈名流賢者  
之心哉況欲訂正此調不得不援古証今臚列而加  
考論詎可慮及賈怨而不詳明剖白猶仍作葫蘆提  
語耶故亟索原稿授梓而蒼崖雪舫守  
齋葯庵韓若諸同人亦以余言為韙云



詞律卷二十